

"Екібастұз ГРЭС-2" акционерлік қоғамы туралы

Қазақстан Республикасы Үкіметінің Қаулысы 1999 жылғы 28 желтоқсан N 1992

"Екібастұз ГРЭС-2" акционерлік қоғамындағы қалыптасқан ауыр қаржы-экономикалық жағдайға байланысты және оның маңызды стратегиялық мәнін ескере отырып, "Банкроттық туралы" Қазақстан Республикасының 1997 жылғы 21 қаңтардағы Z970067_ Заңына сәйкес Қазақстан Республикасының Үкіметі қаулы етеді:

1. Қазақстан Республикасының Мемлекеттік кіріс министрлігі заңдарда белгіленген тәртіппен "Екібастұз ГРЭС-2" акционерлік қоғамының банкроттығын жүргізсін.

2. "Екібастұз ГРЭС-2" акционерлік қоғамының конкурстық массасын сатудың:

1) "Екібастұз ГРЭС-2" акционерлік қоғамының мүліктік кешенін бірыңғай лотпен с а т у д ы ;

2) конкурстық массаның бірінші кезектегі кредиторлардың талаптарынан төмен е м е с с т а р т т ы қ б а ғ а с ы н ;

3) өндірістің технологиялық циклының үздіксіздігін қамтамасыз етуді;

4) конкурстық басқарушыға өндірістің үздіксіздігін қамтамасыз ету мақсатында шарттар жасасу құқығын беруді көздейтін ерекше шарттары мен тәртібі белгіленсін.

3. Конкурстық массаны сатып алушыларға мынадай қосымша талаптар белгіленсін:

1) сатып алушының электр қуатын өндіру, беру және тарату жөніндегі қызметті жүзеге асыруға қажетті лицензиясы болуы тиіс;

2) сатып алушы "Ресей ЕЭС" Ресей энергетика және электрлендіру акционерлік қоғамының электр энергиясын оның желілері арқылы Ресей Федерациясының аумағы бойынша тасымалдауға келісімін ұсынуы тиіс;

3) сатып алушы өзіне "Екібастұз ГРЭС-2" акционерлік қоғамының

еңбекақы берешектерін өтеу жөнінде міндеттеме қабылдайды.

4. Осы қаулының атқарылуын бақылау Қазақстан Республикасы Премьер-Министрінің орынбасары Д.К.Ахметовке жүктелсін.

5. Осы қаулы қол қойылған күнінен бастап қолдануға енгізіледі.

Қазақстан Республикасының
Премьер-Министрі

Оқығандар:

Қобдалиева Н.М.
Орынбекова Д.К.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМҚ